



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Elogia Patriarcharum, Et Christi Jesu Dei Hominis.  
Emanvelis Thesavri Patritii Taurinens. Et Aloysii Jvglaris è  
Societate Jesu**

**Giuglaris, Luigi**

**Francofurti, 1684**

32 lesse Obedi Filius. Clausula.

**urn:nbn:de:hbz:466:1-38349**

Nisi canentium numeros innumeri gemitus fregissent,

Hunc bello finem imposuit

Nimis liberalis prædo, Sanctus Jephthes,

Pugnare doctior quam vovere.

At trepidæ Virgines, ne simili Patrum voto illigarentur,

Aram hanc immortalibus literis inscriptam

Annuo ejulatu circumlatrant.

Grajæ etiam Musæ, quia Virgines,

Pacti Invidiam

In Agamemnonem Coætaneum rejecerant.

## J E S S E

### O B E D I F I L I U S.

#### C L A U S U L A.

Agmen claudet invictissimus Isai;

Ducum palmes, & Regum radix.

Avitam bellicæ præfecturæ virgam

Sudoribus ita rigavit,

Ut cædendis sceptra sylvesceret,

Bethlehemi Patricius,

Patriam fecit Deo dignam,

Primævus in Philistinos gladium acuit,

Quos uti cotem virtutis reliquerat Deus.

Nam armæ bello, milites pace franguntur;

Et hoste mortuo, pugnant sodales,

Sacra militiæ authoratus,

Pro Sanctuario Sanctus bellavit.

Quod vel amissum, in ejus pectore invenisset,

Miles fuit sine militum vitiis;

Qui victoriæ Cupidi, à Cupidine vici,

Fœdiores referunt plagas quam inferant.

Emeritus, consilio pugnavit,

Utilius enim reguntur bella, quam geruntur,

Cum pro galea canicies est,

Ubi relis nil amplius valuit,

Filios pro telis in hostes misit,

Qui tergeminas manus Patri suffecere;  
Et tricorporis instar Gerionis,  
In triplici corpore, ter unus pugnavit,  
Atque sedendo vicit.

Quæris quâ virtute natos habuerit?:  
Natu minimus, Gigantum maximum vicit.

Quæris quâ specie?  
Despectior, imperio dignus est visus,  
Hæc tanta felicitas  
Jesseum pectus impetu ingressa,

Animam expulit.

O Mortalium voluptas nocens:  
Hæc cogita Viator:  
Et sedens interjunge.



MUNDI